

# سَمِيرُ عَبْدِ الْبَاقِيَا



# كَانَتْ وَعَاشَتْ.. مِصْر

قِصَّةٌ دُرِّيَّةٌ بِالْعَاقِبَةِ الْمِصْرِيَّةِ

# كانت وعاشت.. مصر

قصة درامية بالغة الصراحة

سمير عبد الباقي

كانت وعاشت مصر  
قصة دوامية بالعامية المصرية  
الطبعة الأولى - القاهرة ١٩٧٨

قدمتها جماعة الدراما بالقاهرة - ١٩٧٤ .  
إخراج سامي صلاح  
الحان عدلي فخري - كعرض مكمل لعرضها الأول : في حب مصر

---

الغلاف : تصميم الشاعر ورسوم الفنان حجازي .

# إفتتاحية

الكورس - وأكم تحن الأرض للانسان

من يوم ميلاده لحين يؤون الأوان

ويمود لحضن الشيطان

يا إما خضره وخصوبه يحيي جذب الأرض

في كل موسم جديد ويعيد مسار الحياة

في دورة التكوين .

يا إما يرجع وحيد . . عاشق . . متيم

ييحلم بالخلاص . . بالناس

ويدوب في حضن الوطن .

يا إما يرجع شهيد . .

الراوى : وكلا منا عن سبع مصرى ، عسكرى وفلاح . .

شاعر كما طفل يعشق شمسة الضحوية

ويحب لون النباتات وأغنيات فيروز . .

وله بنيه صغيره واسمها حريه .

يمشى بهداره إذا ما مر بالشارع . .

ويقول برقه إذا ما قال مع الصحبه ،

والسكه صعبه ولوع الجمر بمشيها ، لأنه شايق بقلبه

فجرنا طالع . .

يحكى حكاية كفاحنا ف غنوه مصريه .

الكورس — كانت مصر وعاشت مصر . .

المنقى : كانت مصر وعاشت مصر . .

الليل والشمس ، أمشير وبشفس ،

الصوت العالى العالى ونبض الهمس

اللى يبشر صمت الليل العاتى بضى الفجر .

الكورس : كانت مصر وعاشت مصر

المنفى : كانت مصر وعاشت مصر

تحس الفسكرة ، .

وتحيي البذرة ، بعزم وقدره .

وتحت القصر العالي ،

تقاسم بكره — رغيف القهر .

الكورس : كانت مصر وعاشت مصر

المنفى :

تغزل من لحم الساكين

أتواب اللولى للسلطين

وتبني من عضم الاشواق

أبراج المسكر والزنازين

وتحفي من دم المشاق ،

السكف اللى يبسقيها القهر .

الكورس : كانت مصر وعاشت مصر .

المنفى : ولإمنى فى بحور أوهامك

يا بلدنا تفرقى وتعمى

ولإمنى ح يا كل أيتامك

من عيش السمعت وهم المـار

ياما كنتى وكانت أيامك

وحلمنا ياما بأحلامك

يا بلدنا من وهمك قـومى

ياما كنتى الحضره . . كوفى النار .

الكورس : ياما كنتى الحضره ، كوفى النار . .

علشان بكره تكوفى يابلدى . .

بيادر حره . . وناس أحرار . . .

ترحيه : ح تقول لمن يابا . . عمال بترطن إيه ؟

داحنا ياعم غلابه . . مافيناش أفندى وييه .

صوت : مصرف كراريس أولادنا : هى بلدنا، اللى بتتهجى

حروف الكلمات وأصول الفعل .

ثمان : غير مصر اللى فى دفتر يومية تاجر تموين أو

مندوب المشتريات .

ثالث : غيرها ف نظرة عين الفلاحين على شط المصرف

بيحاسبوا مقاول أنقار . .

الترحية : شقينا ياما بجرور .. علينا ياما جسور

ونشينا غيطان وكفور ..

أيام تاجر شهور ، ورجعنا شايلين ، إيه ؟

غير كتفنا المكسور والهلم تل عليه .

وتقول لمن يابا .. عمال بترطن ليه ؟ ..

صوت : ومصر ف بتارين شارع قصر النيل السكرانه بريجة

البارفان .. مصر الشبعانة ..

ثالث : غير مصر الحاشفة الناشفة العريانة ف سيالة الهنداوى

إين الحاجة بهانة ..

ثالث : غيرها ، غير مصر اللى ف محفظة الشيخ ششتاوى

أبو سكسوكه الفاوى يحضر عفاريت الاوهام ...

أول : واللى يبسل القوت من ن عيون الجهل ...

ثان : ويحرم على الفقرا النعمة وينذرهم بالويل والموت ...

ثالث : وينام دفيان شبعان من دم الأيتام ،

أولاد وبنات التراجيل المحكومين بالنبوت .



الترخيلة : بنسند الأكتشاف بالملح والعيش حاف .  
والفجلة والجلادين .

ولا قلناح ننام كيف ولا قلناح ننام فين !  
من غير غطا ولحاف . . .

ما دمنا ناس أجلاف نعمل تكليف على إيه ؟  
ح تقول لمن يا بابا . . عمال تبرطم ليه ؟ . .

صوت : ومصرف رأى الضباط والمسكر . . غيرها ف عرف  
مدير الحسابات المالية ، صاحب فرن العيش .

واللى بوتيك مصر الحرة مكتوب على اسم مراته !

ثمان : غيرها ف أحلام وليالى ميمى شكيب وعماشة والبت  
لواحظ بوند ورومييت .

ثالث : غيرها فى أرانيك العمال اللى يبينوا مجمع صلب حديد  
حلوان .

أول : غيرها فى مستشفى إمبابة ، حيث كان لحم الفلاحين  
الجرحى فرجه لفسوان السادة .

ثمان : غيرها ، غير مصرف عمم البوايين حراس الشفق

المفروشة ، أو في ابتسامات البهوات أصحاب الحسابات  
القنوات الشنبات ، المنفوشة .

ثالث : غيرها غير مصر ف حبر القلم الباركر ، الى رئيس  
التحرير إياه ، يكتب به أخبار الجهة وأفكار القد  
وأحزان الفيض والحكايات المنقوشة . .

أول : غيرها غير مصر ف دوسيهات الامن .

قال : غيرها غير مصر ف ساحات الجامعة .

فان : غيرها في لاروند الهنك الرنك اليانكي .

أول : غيرها في كفر الحصه وعرب الحصن وكلع الغرب  
ودنديط .

الترحيلة : شيلناها ياما حمول .

جيناها عرض وطول .

من قوص لكفر الغاب .

من ملوى لمشبول .

والغربة مالها حساب .

وعلى دماغ لاغراب ، أكم تدق طبول .  
وإن كنت راضى بحالك . وجوع وذل عيالك .  
صهين وريح بالك وإخرس ح تنطق ليه ؟  
وإن كنت فلاح كلعج . وصعيدى راجل فلح .  
إزعق فى وش التلع  
دى بلدنا برضه ياييه . عامل طناش على إيه ؟

صوت : دى بلدنا برضه ياييه .

ثان : دى بلدنا اللى ف كراريس أولادنا عرفناها .

ثالث : واللى فى عيون الفلاحين الأتغار شفناها .

أول : واللى ف حلم السواق النيجار الحفار العتال الحجار —  
قريناها . .

ثان : واللى صاحبناها ف أرانيك العمال  
وف جوع الأطفال — واتحملناها . .

أول : مصر اللى اتشنت فى كفر الدوار . . ذات يوم .

ثاني : والى اهرست لحم ودم ما بين الكذب وبين جنازة  
الدبابات . . ذات يوم . .

ثالث : والى شربت اكلت جمر النار الامريكانية  
في الدفرسوار . والى حسنت في حرارة كلمات النصر  
مرارة العار .

أول : مصر اللي عمر ما كانت ولاح تكون مصر اللي ف  
عمم البوابين وجيوب البقاين ودفاتر أصحاب بوتيكات  
الستات المديرين البهوات — البتارين .

ثالث : ولاح تكون مصر اللي ف حلم التجار والسمسار  
والصحفيين المعتمدين الرسميين الاحرار !!

أول : لأ . . لكنها مصر بلدنا . .

اللى عرفت لون البهتان من لون الحق .

ثالث : والى بتقدر رغم هدير الكذب العالي العاتى بتزعق  
تنطق كلمة . . لأ . .

ثان : وتقدم شهداً لاسجن وشهداً للشارع في السلم وفي الحرب .

أول : مصر اللي عرفت رعشة برد القتل في بونه واللى  
عرفت حسنت وهج الميلاد في يناير . .

ثمان : مصر التي حلت برايات أكتوبر حلم الشهداء  
والأحرار .

الكورس : كانت مصر وعاشت وح تفضل مصر الطابع والطبع .  
صوت : ومهما يدور الحول ما بين حلقات الدبلوماسية وحلقات  
البيع والأسعار .

ثالث : والتي مهما يحل الحول بطريق الثوار والأنصار . وتمطر  
سحابات العار في دروب الموت والنصر .

ح تفضل مصر — وحيدة وواحدة ووحددة .

أول : في قلب الجندي الشاعر عبد الرحمن السبع .

ثالث : التي راقد صاحي القلب وصاحي العين والسمع  
هناك : في موقع مجهول على خط النار .

ثمان : يحلم ليل ونهار .. يحلم بمكان ، يسهر فيه باطمئنان .

أول : يلاعب بنته حرية . .

أو يقعد فيه مع أفقر عمال التراهيل والانتقار .

ثمان : يتبادلوا الكلمة والحكمة والشعر .

ثالث : ويتبادلوا الأشعار .

أول : ويقروا تواريخ الدنيا . . الناس البسطا

الفقرا . . والثوار .

\* \* \*

# الشاعروالوطن

الراوى : حين إستجابت أرض مصر الخيره لإرادة الانسان . .

ولكف يده المبقرية . . وافكرته وحاجته :

ويا بذور الشعير والقمح والأيام . . إخضرت  
المدنية . .

من يومها صبحت رياح البرارى والقيوم والرعد

والاعاصير ، والوحش ، والنار ، والشمس وحروف

الكلام — والنيل والبحر والأمطار . . صبحت أليفه

مطبعة . .

إنشق رحم الأرض ما بين النهار والليل . .

ما بين كمن الشتا المرفف وصمت الصيف .

إنشق عن ريف — قري وقبور ،

ومدن منيعه ومعايد وفن رسم وعماره . وشعر مزيكه

حاره ، وحكاوى أساطير ملاحم ، وآله ملهمه بتمجد

الانسان . وسفن فضا ، م الازل حتى الابد ترمح

وفلسفة ومسرح —

وديمقراطية وشريعة تأله الانسان .. يحلم ينول السعادة

في أمان اليوم ويميش على حلم .. ح يطول الأمل بكره

في إنه راح ينريح ساعة يحس التعب

ويلاقى لقمه أكيد لا يحس الجوع —

ويقنه بشقى عشم في يوم ح يتحرر — ويتطور

يضع لعقله المجتمع —

ولكف إيده الطيبه !!

صوت : وسهله يا بابا الحسكاوى . . سهله الفناوى لا نمكها

في سهره ونقنبا !!

ثان : وصعبه مره حياة الناس وأيامهم .

ثالث : لو كناح نحس بيها أو نعيش فيها

وندور الفكر في الأسباب — ومعانيتها . .

الراوى : بين الشرف والرغيف . . بين الأمان والوشايه ، بين

السؤال والشك بين الشك والأحزان ، تتولد الأمنيات

تتكاثر الأحلام !

صوت : بين الألم والجرح . .

ثان : بين الجرح والأصحاب

ثالث : بين الحلم والزمانة

أول : بين الخيانة وساحة الاعدام . .

ثالث : بين حد سيف المداله وسكرة الأحكام

ثان : توضح خطوط الخريطة — تكبر الأسماء — تتخلق

الأوطان .

الشاعر : وما بين صراخ الطفولة ف عز ليل الغزو

وعذاب ليالى المجاعة —

والطمنة فى السر غدر الأهل والأعداء

والصبر والاعياء —



بين الخلود والوهم — وقوة العاده وبلادة الأشياء  
وغباء ليالى الرتابه ..

الراوى : ترحل توافى مواسم مصر والمصرى

صوت : رحاله فى الحلم بين المعجز والأشواق

ثمان : تتحكم القوة تتسلح بهيبة الحكم

ثالث : تبتهت ملامح العدالة يخفت لسان الحق

أول : تقسم الأرزاق

الشاعر : يبقوا العبيد م الأزل ، ويتغيروا الساده !

الكورس : إحنا اتولدنا إمبراح واحنا ولاد النهارده

شوك الطريق كان جارح والحلم ما بيهدا

المنفى : صعبه الخطاوى يازهرة البشريه

طعم الفناوى ع الشفايف جارح

لولا العشم يابلدنا إنك جايبه

كنا رحلنا مع الزمان الرابع

\* \* \*

بكره الجنين راح يتولد مع بكره

- والحلم دائما في المواسم صابح  
 يبحن قلبي .. بتوافيق الذكرى  
 لكن في مصر الجايه دائما سارح .  
 الراوى : ويظل أكبر من الحقيقة - الحلم .  
 الشاعر : يشرب من الدم من عرق الأجير - م النيل .  
 الراوى : ويميش يزهره في أحضان الرجال والطين .  
 الشاعر : مهما يقاسى حرقة الحرمان .  
 مهما يعانى قسوة الزنازين .  
 الراوى : يكبر ويصلب ظهره يتجسد في كل لحظة  
 براعم ورد تتجدد .  
 المنفى : لا العمر يفنى ولا الأحلام بتحدد  
 حتى وبلدنا أسيره في كفوف الليل .  
 صوت : والحلم لجل يعيش ويتحقق .  
 ثاب : ويضب يشهق .  
 ثالث : ويقول وينطق بعزمات القلوب والفم  
 لا بد ما يتروى بعرق الشقا والدم .  
 ثان : بالدم يتعمد .. بالدم يتجدد ويتخلق ..

المغنى : وما دام باقي ————— بين مرتزة —————  
عش ————— اق ك ————— ذب وتبرير  
ميات س ————— نوات على ح ————— المم  
سراق مجهم ————— ود الف ————— ير  
ح تظ ————— ل الأرض تق ————— اسي  
وح تح ————— لم بالتح ————— رير . .  
وف لي ————— ل القهر ال ————— آني  
ح يشقشق نج ————— م الح ————— ير  
وف ع ————— ز عذاب ————— ا الأزل  
غن ————— اوينا ال ————— دل تطير  
وح تح ————— رق تمزع ج ————— وفه  
بسيوف في ————— ر التفي ————— ير

الراوى : وقول يا عبد الرحمن يا صاحبي ورتل الآيات . . عن سكة  
اللى بي معرفوا السكة ، وغنى يا صاحبي لي ————— لحن  
لغنوات . .

عن اللى ماتوا وراحوا ف ألف ميت عركة —

صوت : إحكى ولاتبكى

ثمان : مصر أم البشر أكرم

ثالث : كم ياما ولدت وراحوا .. خلفت أكرم

أول : وياما ياما رجال .. رجاله وعناتر فردوا صدورهم

حماية لمصر واتحدوا

ثمان : لافى الصراع هدوا

ثالث : ولا فى ارتعاش المواجهه خافوا واتهدوا

الراوى : على سكة الشعب فردوا خطونا ومدوا

مات اللى مات واللى عاد ، مين فى البلد قدمه

يوم الفرح لانتصار — إنداروا ماتعدوا ..

الشاعر : ونسى الأكابر بقولوا — الفلاحين عدوا !

المنى : مى قمع عيش المجازى فى لىالى الجوع

عجنوا رغيف الألم والصبر للجبهة

ومن هدوم المرايا وشقوة النساجين ..

فتلوا وغزلوا الرايات الحرة للجبهة

ومن دراع الشغاليين الصاب والترحيلة  
هيا بيلا مدوا السكبارى يمدوا للجبهة  
ومن قلوب الصبايا وخضرة البساتين ..  
كتبوا الاغانى امانى وشعر للجبهة  
قالو البنادق لسان الحق مش سا كتين  
ح نخلى نبض الوطن صاحى على الجبهة  
وازعق ياصوت الضحايا فكر الملايين  
ازعق بصوت الشهيد .. كل البلاد جبهة .

الكورس : مالك يا عبد الرحمن يا شاعر ..

يا وليف الطين

مالك حزين الفؤاد .. صامت على الجبهة ؟ ..

\*\*\*

# الوطن و التصو ص

الراوى : فى ظل النظم الرأسماليه وتحت رايات أنظمة الاستغلال :  
هز الوسط ببقى له مكانه وحيثيه عن فن الرسم، لأنه  
مكسب وأكسب ويصبح أفضل من زيت المسكنه .. زيت  
التدليك والبرياتين .

صوت : وأهم من السكواريك مشدات صدر التساوين

نان : ويصبح الهلس أصدق إنباء من الكتب ١١

الراوى : وف بعض الأحيان : سياسات الأوطان العليا وخطط  
التنمية ، وسياسات صد المدوان إن حسوا الماده  
المدوان، أو حبوا يشنوا المدوان، يرسم تكتيكها التكتيكي  
- فى الأبيض فى الأحمر فى الهندى الهادى لبسفيكى -

على طرف مخدات النوم أو في حضن النسوان الفرقانه  
في البارفان الأمريكى .

الراوى : ولإن الإنسان يصبح أرخص سلعه . . تبقى كرامته  
مرهونه بقرشه . . .

صوت : ويفتكر بعض البشر ويأمن بمجديه ، إن ابن آدم كان  
زمان حيوان . . .

تان : وانتطور . . .

ثالث : قام كبر كرشه ! !

الراوى : ويضحك الناس على النكته على المأساه بلا تمييز . . .  
ويصعب على الفرد البسيط المادى ، إنه يفرق ما بين  
الشر والطيب .

صوت : وأكم ساعتها نشوف من الخيف والجارج . !

الراوى : إذ تموت القيم وتمتاط الملامح —

ويصبح الإنسانى والمادى غريب جدا عن المألوف

صوت : ويصبح الشاذ قاعدة والخطأ شرعه وطريق مرصوف .

تان . ويصبح الحق بدعه والجريمة قانون .

الراوي : وخيانة الشعب يبقى لها بدع وفنون

الكورس : الرشوة — إكراميه

والسياسة — تجاره

والسرقة — شطارة

والفن فكاهه ومهاره

وخراب الذمه عز الهمة

مادمت تمارسه بجساره

الرواي : ويصبح الإتهاق على الهبش والنمش والتهريب والتليب

وستر عيب البضاعة والهيبكه والفبركة والنفاق —

تصبح حرف شرعية قانونية

والرأسماليه تبقى الجنده اللي وعد بها رب العرش

مخالبة

صوت : ويصبح لها أغانيها وكتابها وكتبها وحسكتها وأمثالها

الشعبية اللي بتأكد للفقرا :

تان : أن الفلوس مش كل حاجة



وإن راحة البال أهم . . .

ثالث : وتأكد للمرضى أن الصبر إيمان والألم إمتحان  
وأن الصحة شيء زائل . .

أول : وتأكد : إن الجهل نعمة كبيرة  
وأن المعرفة لعنه والسؤال شرير . .

الراوى : ويصبح اللعب بالأسماء وبالأسواق شمال ويمين ، صنعه  
وعلم ومبادئه صالحه ، وتفانيه

صوت : حتى الشرف يبقى ساعة وللكرامة شيكات

ثان : والكل — كل الكل رهن إشارة التصدير  
بكل عزة وشعم

الراوى : شرع المنافسة وشرع السوق بين التجار من أجل محمد  
الأمم — للكل أن يندرج وبكل حريته في قاعة الأسعار  
لاحدود ولا أسرار — شرع المنافسة قانون السوق  
بين التجار -

الكل خاضع للمفاصلة فصال - بيع شرا مكشوف -  
على عيونك ياتاجر

صوت : إلا إذا كان يمس أو يؤذى حقوق الملك والملكية . .  
أو يخذش مشاعر الدين .

( يرتدى الكورس الأقنعة المناسبة ليلعب دور تجار  
الحرب والانتهازيين والمنافقين )

— : فلاحى فى الدنيا مرهون بنجاحى فى الاستحواز على  
مصدر قوة ، مصدر أكيد ودائم للموارد للفلوس ؛  
للمال .

— : المال تاريخى وأهلى ، وهو سندی المؤكد وعزوتى  
وناسى ، وأن كنت ناسى تأكد : خزنتى هى وطنى  
المجيد المجد ، وهى توب إحترامى وعزتى وسكنى ،  
وطريق سموى المهد .

— : المال سبيل الكرامه ، يرفع كتافك ويرفع جبهتك  
والهامه . .

— : يتساوى فى ذلك أن تعرف من خزنة خاصة أو من  
خزنة عامة .

— : وفى سبيل أن يستمر الحال ويتطور ولكى تحافظ على  
المظهر دون أن تعلن طيبة الجوهر ، لابد ان تفكر

دائماً وبجد وتدبر . . . إزاي تملأى تنمى النبع وتنوع  
المصدر . . .

— : فإن استتب السلام فنحن أهل السلام

— : نتقن كلام المجاملة

— : فن المجايه

— : والابتسام والمباينة

— : والساله — كما الدجاج والحمام

الراوى : وإن جاء يوم وحل الصدام ودعا نفير الحرب . . . 1400

— : هوووه . . . إحنا صقور للمعارك والحماس والضرب

— : شجعان ولا نهتز

— : وبالوطن نهتز

— : نغزل حرير السياسة زى دود القز

— : والحرب بنت السياسة والسياسة حرب . .

— : الحرب نعمة أكيدة لمن يفهم عميق لأهني . .

— : بس إنتو خليكو معنا 11

— : إليه اللى يمنع نسمر ، وإيه ح يمنع نضارب فى عز  
ما إحنا بلمتحارب وبنحارب . .

— : دى الحرب عايزه الكياسة ، لو كنت مغلوب ح  
تكسب وإن كنت غالب . . دا أكسب !!

الكورس : دى الحـرب إحنا اتـهـلـمـناها

ودرسناها وفهمناها من أيام ليمى وزنهاور

إنها تكتسب لب محاور وزنب مفاوضه ومقابل

والأكثر من ده إن كنت أشـهـطـر .

من غـيـر ما تخبي ولا تفسر

لو شاطـر تـلـهـف ونسمر

حق فى الطـوب التـكـسر

دى الحـرب مغـامـم ومكـسب !!

الشاعر : ( محتجا ) لسكن فى بلاد زى بلادنا . ! مص دماها

الإستعمار آخرها ، فى بلاد زى بلادنا بتعلم يجي

نهارها ، تحلم تشرب بالراحه مية أنهارها ، وتقطف

بمد الشقا أزهارها . . وتضل فوق أولادها —

وتفرش فوق سكتهم أشجارها .

فى بلاد لسه أشرف خلفتها بتمجن لقمتها بدمعتها ،

وتاكلها مرار ؟ !

في بلاد زى بلادنا ؟

بتقاسى وتقاوم فجار العصر الكفار النجار  
وبترفض تركع وتسلم ترفض تتخلف !! إزاي في بلاد  
زى بلادنا، عايش زيك؟ عايز يثبت إن حثالة أفسارك  
وحثالة قواينك صح ؟ إزاي ؟

المغنى : في بلاد زى بلادنا

بيرعشها الشوق للحرب  
لجل ف يوم تقدر تبني مدارس  
وتربي الأطفال

في بلاد زى بلادنا

بيرعشها صحيح الخوف م الحرب  
لكن أكثر منه بيرعشها الخوف م العار  
وعشان كده راضيه تجوع وتصوم  
وعايشه بتأكل بكره من عيش اليوم  
وبتتلف دم نبيل من قلب أعز أولاده .

في ميادين الحرب وفي الزنازين . .

وبتشرب ذل العربة ولهب النار

لجل ما يبقى لها مكان ومكانه

فوق شط بحور المدل

وهي شطوط الحرية ؟ . .

الشاعر : وأتم في عز لهيب الأزمة كنتم ومازلتم من دون  
الشعب يادود الحرب - من دم الناس الشقيانه سكرتم  
وشبعتم من لحم الناس الحى

الراوى : ومن أحزان المجاربج ، جرحتوا بلدنا المجروحة  
وقطعتوها وبمتوها أنقاض أخشاب وصفيح ا

الكورس : طب واحنا مالنا

مالنا حلالنا

ومال عيالنا دمك تقيـل

كشربوشك

وحط قرشك

في بطن كرشك وأعمل عويل

واحسبها حاسب

وراك محاسب

أصل المصائب لسان طويل

وإن كنت شاطر

ساعة الخاطر

خبي الدفاتر .. تكبر نخيل . !

الشاعر : وكبرت ياما وحتكبر ، والى أنت بالامس عنه عجزت  
مش عفه ، بكره حتقدر عليه لما الأمور تصفى

الراوى : شربت ياما من العرق الشقى وبتزيد .. وسكرت بالدم  
ياما ولسه راح تكبر ، حكم الطبيعة أكيد ، والظرف  
راح يتيسر ، ده هوه معلومنا .. الامر ما هوش بعيد

الشاعر : ولسكن خلى معلومك ، بأنه فى كل لحظة صدام —  
صوت الوطن أكبر

المغنى : وأما رصاص الوضوح والمدل بيكبر  
إنت بتصغر ، تقل ، تصغر كان تصغر  
من تقل ضلك ينجلوا أولادك . .  
ينجل قزاز بترينتك المصوى ودكانتك  
صفقه ورافقه في عرض البلد سمسر  
تفوح روايح دمننا في توبك  
تشرّب في طبقك يوماني دمننا تسكر

الشاعر : وتصيح أنت بحالك ومحتالك وكوم مالك  
تصبح يا عديم خالك

الراوى : عديم الأصل ولانسوى حفنة تراب من تراب  
الأرض والأوطان ، داهها  
الشهيد اللى مات  
وأنت ساهمت في قتله . .

( الكورس مازال يلعب دوره خلف الألقعة )

— وأنا إيه ذنبي — ذنبي أنا إيه ؟  
ده أمر الله كله في أيديه . .



ياما ناس بتموت والشعب عليه  
فرص وواجب

— : والحرب دى أمر ضرورى وفيها خساره  
وعشان كده يلازمها مكاسب

— : وشطاره مؤكد ومهاره ، أنك تقاب  
سوق الحوب تجاره . .  
دى الفرصة يا ابنى بنت الحرب

الراوى : إلا حرب الشعب يا ولد البورصة  
إلا حرب الشعب عشان المدل — عشان التحرير

الشاعر : وقولوا . . لفوا ودوروا واحكموا التدبير  
لكنكم مهما قلتم ومها حيكتم التبير

الراوى : عن واقع الأمر — والأوضاع . .  
عن الحكمة ورا التعمير .

قولوا وعيدوا القواله — وزوروا التزوير  
مهما داريتم ولفيتم وشرحتم التفسير :

المنى :

في عز نار الحرب والمعاناه

في عز نشفان الأمل والريق

في عز ليل الضيق

عيون الشعب بتفتح وتبقى وساع

يتعلم الشعب كل الشعب يتحقق

بأنه لجل الحلم .. لجل النصر ..

لجل العدل .. يتحقق

لا بد يفحص صفوف الخلق ويدقق

ويفرق اللي وهب

.. مالباع الطماع ..

الراوى :

وأنا زرت وشفيت بعيني الحاج الطيب الفلاح أحمد

سليمان السبع ، اللي ببلده دماص من أعمال مركز

ميت غمر .

مصرى ، وعنده ثلاثة من الأولاد ، أكبرهم

سليمان الضابط فى سلاح الوطن الجوى ، ومحمد

أصغر منه ، لكن فنان فى تصليح وقراية

شيك الرادارات .

والأصغر خالص صاحبي . . صاحبكم عبد الرحمن  
الشاعر ، الذي لسه قلبه الأخضر صافي ما عرفنى  
لوع الأسواق ، وما زال كفه يئبب في غيظ  
الأشواق . . أحلى أزهار الكلمات .

ولأنه يعرف عبرى متقدم على الجهة الآن ، عاشان  
يرصد حركات الأعداء .

وأكثر من كده إن خطيب أصغر ما في بنات  
عم احمد لسه عريس واسمه ؟ . . وما فيش داعى  
نقول عن اسمه لأنه في فرق الحرب وراء خطوط  
الأعداء ، ولشاء الصدفة ، أو يمكن شاء القصد  
وله حكمه . . إن قصاد بيت عم احمد تقع الجمعية  
واقروا الجرائدين بتقول :

مسكوا الكاتب في عز أكتوبر عامل سوق  
سوده ، مشارك ويا بهواته بيبيعوا مواد التمرين .  
والراجل عم احمد عارف أسرار القصة ويضحك ،  
واحنا بنتعجب ، عاشان بيظمننا احنا مع إنه عدى

السبعين ، وزى الطفل يقول لك :

يا عم قطيعة السيرة . . قطع رقبتة ورقابهم إحنا  
ح نقلق على مين والا على مين ؟ . .

إولادنا مش أعز من أولاد الناس التانيين واوعى  
تكون فاكر إن انا زعلان أو يعنى متأثر ، يعنى من  
إبن السكب حرامى الجمعية مع إن حكايته وريحته فاحت  
واتفضعهم هو واللى وراه ، فى الوقت اللى جالنا فيه  
خبر استشهاد ابن أخويا حسين . .

وأكيد — أنا عارف — راح يطالع منها زى الشعره  
ببركة شركاته أصحاب الحول والطول والجاه لكن  
— فليبقى فى معلومك . .

إن الحق ده عمره ماح يضيع فى الرجالين ولا حتى  
الخفيفين بيظلموا مخفيين واللى يكفيه دلوقتى إن أولادنا  
كل عيال وصبايا بلدنا — زفوه .. فضحوه ..  
وح تستغرب لما أقولك ، كان فيهم ولد من أولاده  
ماشى ويا عيالنا ، بيهتف ويزعق ويجرس أبوه ، وارجع  
برضه وأقول لك ..

ده حرامى فراخ وهفيه .. والحق الحق : أن الخلق  
عليها فى عز الأزمه تفتح عينها — وتوعى —  
لشيوخ المنسر وكبار الحرامية . ا

( يخلع الكورس افنعتة وينقسم الى مجاميع )

البنائين : البنائين همه احنا . . احنا اللى نعلمها

بالمسطين والسكوريك والقصمه فبنينا

طوبه على طوبه حين تملا ببقى جدار

نحلم به مستشفى والامدرسة يا فنار

ويشرفوا همه الجدار طوبه ورا طوبه

زئزانه معطوبه قبر ومنفى للثوار . ا

الفلاحين : والفلاحين احنا واحنا اللى نخضرها

بالفاس وبالناف وبالمحاريت نمرها

مطرح ما تنطق إيدينا تنبت النباتات

رغيف عشان الجواعى وعطر لجل البنات

ويلموا همه الحصيده سمسره حره  
وزهور عشان المنصه وموكب الجنازات

العمال : شفيله يا احنا واحنا للمكن والليل

دقة شوا كيشنا بتضوى البيوت قناديل

وكل شبر فبلدنا صديق لخطاويننا

رويناها دم وعرق تشهد رمال سينا

وهمه رفعوا الرايات مصبوغة بدمانا

وساوموا بأرخص تمن ويا العدو فينا

المنفى : وكيف يا شاعر حتعلم بالجمام والغيبه

وتسكتب الشعر كيف وتغنى للأطفال

وكيف يا بنا ح تبني للفرن والبنيه

وكيف يا عود المنفى ترقص الموالم

الشاعر : وكيف يا إنسان ؟ وكيف وإنت اللي قادر تلوى

دراع الريح ، تملك الدنيا تكشف كافة الأسرار ..

إزاي ؟ !

وكيف بعد ده كله .. تقدر على الخطوة كيف؟  
ويا ما فيه خطى صعبه ..

المنفى : وكيف يا فلاح تأمن ان نفس العود ، اللي انت  
زارعه بإيدك إنه راح يخضر ؟

الشاعر : وكيف يا ملاح مرا كبتك تانى ح تأمن ، بهه الرحيل  
وتعود ، تمحود الدفة وتقرب لحضن البر .

المنفى : وازاي يا مصرى تراب الأرض ح يجاملك ويراعى  
يرعى شقاك ؟ !

والنيل يوافي ويعطى ازاي يبيض تانى ؟  
وازاي وليدك ح يتهجى الكلام وتقول ، ؟  
وازاي تراب الوطن لما يحس الهوان  
ح يساعى فى حضنه يتحمل خطى الإنسان ؟

\* \* \*

# الحرب والكذب

( يرتدى الكورس هنا اقنعة اخرى تعبر عن صفات التجار  
والمنافقين السياسيين )

الكورس : كلنا بنهتف . نموت اجل الوطن  
كلنا عسكر جنود في المعركة

الراوى : كلنا ؟ .. كلكم ؟

واحد : قصدك ايه ؟

الكورس : ايوه طبعا كلنا !!

الراوى : انت مثلا ؟ .. وانت ؟ ... وانت !!

الكورس : ايوه طبعا .. آه مؤكد كلنا



آخر : مش شايفنا عمالين نزعق بملو الصوت .. نموت لجل  
الوطن ..

الراوى : وانت فى المكتب بتكذب ؟ . . . وانت بتناقض  
وتبزور أذنو الصرف والفواتير وبتخبي الملاحق ..  
وانت مش لاحق تلاحق ؟ .

الضئى : وانت بتزيف كلام الشعب كاره فلاحينه ؟  
وانت سارق شقيائينه ؟  
وانت بتسم ف ظلام الليل عجينه .. ؟

الراوى : واتى برضه ؟ . . . واتى قدام البتارين المضيئة  
كل يوم نلتقاك غريقه .. فى محور حلم التفاهات  
البريئة ؟

الكورس : كلنا بتهتف : نموت لجل الوطن  
كلنا بنشتاق نخوض المعركة  
واخرس انت لا صوت يملو . . .

الضئى : فوق رصاص المعركة

الكورس : هس . . . بطل فبركة

فوق صوت المركة . . اللى حيلجبر بقوه

المركة . . يوم ما تتقدم نخوض المركة ١١

الراوى : و انت فى الروب الموهير ١٢ ناوى يومها

تروح بنفسك والا راح تبعت شوفير ١٢

والا راح تدارى ساعتها ف حماية عزوتك

لما ح ينادى النفير ١٢

الكورس : الوطن وطن الجميع

كلنا جنود الوطن

الراوى : كلنا ؟ . . . كلكم ١٢ . . .

واحد : آه . . ضرورى . . بس لا مؤاخذه أنا

كان نفسى اضحى لو أموت . . بس . .

آه يا كسفتق . . ابن اخي باعت لى عقد

ومن أميركا لولا ده . . أنا كنت . .

الراوى : إنت فعلا كونت . . روح وسافر واطمئن  
وإنت هاجر وحتلقى حجة عجيبة ، عمله صعبه . ؟  
من هناك تقدر تخوض المعركة  
والحاجات دى بالنفس ا .  
واحدة : والنبي أنا نسي أضحي بس أصل الحاج نصحي ، جه  
خطبني وإنشغلنا فى الجهاز ..  
شوف بقى قد إيه تبقى للشاكل . .  
شوف بقى عقبال حداك . . شقته ف برج الزمالك ،  
والديكور يلزم له وقت . .  
والهدوم والعفش والدخلة وممازيم الفرح . . آه . .  
يابابى أنت عارف الجواز  
ما هو برضه مسئولية ا .

الراوى : برضه هوه مسئولية وطنية و . . ومعركة ا ا  
— : واصل أصل الحاج نصحي . . كان غفير ..  
يعنى م الشعب المكافح . . أصله كادح بس شاطر ،  
وبشطارته صبح مقاول فى السويس ..

قبل أكتوبر هناك ، كان يبنى .. دشم مخايبى للمساكن ..

بعد أكتوبر صبح يبنى عمائر

في التحرر قام بدوره وقام بدوره في البناء .. شقق

شقق .. قام بدوره

الراوى : في التحرير وفي التعمير !!

— : قام بدوره يكون في علمك .. هو عمل

الى عليه وأكثر شويه ، للوطن للمركة

المنفى : في عهد مينا قام قصوره في عهد مينا

ورفع أياما ف زمن خوفو قبوره

والنهارده في عهد سيننا قام بدوره

في عهد سيننا ..

الراوى : برضه أحسن وانتو فوق برج لازمالك

راح تتابعوا للمركة ما هو كل واحد مننا في موضه

بالا كيدح يكون بطل في المركة .

واحد آخر : شوف بقى واعمع وبطل . . إحنا فاهمين إنت مين؟ .  
بطلوا أمور الأونطة والشمارات القديمة .

ثالث : الحروب يا إبنى يازمها علوم وتكنولوجيا  
كل واحد واختصاصه ، والسلاح ؟ يفهمه أهل السلاح

الزاوى : يعنى قسدك كل شى له يشبه له

واحد : من يشيل الفاس ؟ ومين يعجن عجيين  
لو يحاربوا الفلاحين

ثان : مين يخطط ؟ . . مين يارخ ؟ . . مين يفسر  
قول لى مين ؟

ثالث : الحروب دلوقتى علم وتكنولوجيا ، والسلام  
يحتاج كياسه وإحنا يامالسه قدامنا كتير  
وإنت ؟ . إنتو إيه فهمكو فى أمور السياسة ؟ .

آخر : إنتو خالق مخربين ، تفسكو فى جنازه ولشبعوا  
فيها لطيم .

الثاني : وجاي تقول لي سلاح في إيد الفلاحين ؟ !

المغنى : آه آآآاه . . .

راقدهنالك صاحي و الا من التعب غفيان

قلبي معاك يا صديق في الحلم والصحيان

فاكر ارك حوارى بلدنا في المسا الغافى

والقلب فاكر ك محبة والنهار شقيان

. . . . .

لو أنكر وا إسمك المجهول أو داروا على قبرك

مصر اللي جاية ح تصحى يوم على جفرك

والأمر راح يبقى أمرك . .

وبكره فوق رمل سيننا

ح تقوم مدينة جنينة حلمتها عمرك . .

لما تزغرط بنادق ناسك الفقرا

وشمسك المتداريه تصحى كل ميدان

واحد : يا ابنى روق روق وهس وحل غنا

ما إحنا م الأول وقلنا وياما قلنا . . .

الثاني : يعنى عاجبك ما جرى ، بعد ما ماتوا اللي ماتوا وشفنا  
في القريبه الهوان ..

كان كلامنا الصبح هو اللي حصل ..

الثالث : في النهايه « مسيو كيدسنجر » وصل ..

الاول : آه .. حصل ..

الثاني : محترم يا محترم .. عمره مره ما انهزم

سيد مين يحمل المقده وينك الإزم

الثالث : هوه بعد ربنا ، اللي يقدر إنه ينهيا ..

الاول : وح ينهيا !!

الثالث : يسويها .. علشان هوه الوحيد في الدنيا ..

إلى قدها ..

الثاني : في ايده كل الورق .. كل الخيوط ولا عمره في قضية

دوبلوماسية اتزنق ..

الاول : هو أدري بحالنا ومراعى لنا ..

الثاني : ربنا ع المفتري ، ربنا للمسكر يجبر بخاطره

الثالث : كل شيء عنده بتفاصيله وكله مكتوب م الأزل

الأول : املي قلبك بالايان . . وابعد الكفرة الأرازل ، كلنا

أهل الكتاب . . حسين عليهم كل شيء راح

ينتهي . . ولا فيه أقرب من الأيام ولا أقرب

م الزمن .

الثاني : ما دمتا بنحب الوطن تقدر ونحكم ع الفضا

الثالث : المهم هو الرضا ، والآهم انك تسلم بالعنايه الربانيه

وبالقضا . .

الأول : واحذر الفكر الغريب ، إحنا من طين الوطن

واللى مطلوب بس — مصلحة الوطن . .

الثالث : مصرنا فوق الجميع ، يا حاربنا ياسالمنا

يا اتغلبنا ياسلمنا . . هي تأمرنا نطيع



(يخلع الكورس الألقنة أو يغادر المسرح استعداداً  
للمشهد التالي . . )

المفق : ولا أنت وحده على درب الحقيقة الصعب  
ولا أنت عاشق غبار الموت دخان الحرب  
مفروض عليك يا جسدع تشرب لهيب النار  
وتهدى مصر الشعب فى ضللة وليل الكرب  
ييجى عليك الزمان وسط الخداع والدخان  
ويا شعب قلبك بيان . . الجوهر الانسان  
شقا شمس الشيطان للشقوقين الكعب . . ا

الراوى : « وكم مهيب الشعب يا صاحبي مهيب الشعب  
كم هو صافى البصيره ع الطريق الصعب  
يقدر يفرق ببساطه بين الأشياء . .  
يقدر بكل بساطه . .  
زى الفلاحات القاعدين ببساطه  
قدام أبواب الدور فى الضله . .  
يفرزوا ببساطه . . الحصى والحريج

عن حب الغله . . .

المنفى : وأحكي يا مصر الشعب حكاياتك واضربي الأمثال

المرأوى : عم الصديق الصحاح ، فلاح من ميت سلسيل زيكو

شارب من ماء النيل — مصرى — أسمر وأصيل

— زى الجامع والمورده ومولد المدرا وقبة

سيدي مجاهد والسبخايه والتل وخصوص النخل وأحزان

الليل . . .

عم الصديق فى مره حكى لى حكايه واحنا ف ليه

قاعدين فوق سطح الدار ، حدوته قديمه عن أسد

الغابه والفار :

( يعود الكورس أو بعض افراده ويقومون بتمثيل

الحدوته وحكايتها فرقدين الألقعة المناسبة)

المكورس :

في مره من ذات المرات  
ملك الغابة كان يوم شعبان  
فاختار مكان ناعم ضله  
من كثر شعبه راح نفسان  
على سهوه فار غلبان عضه  
في ديله قام قايم غضبان  
وهجم على الفار المسكين  
عايز يقـرقـض عضياته  
الفار بسكى وباس الرجلين  
ودموعه سايله على الحديد  
وحلفه بحـقـ حـيـاته  
وبحـقـ برمة شباته

وقال :

الفار : ساعنى ساعنى

ده غصب عنى انا ف عرضك

إن كنت يا ملكنا شبعان  
إيه فائدة إنك تقتلني  
وأنا فار هزيل تافه كحيان  
وأقل من دوده ف أرضك  
وحببني عار لو تغلبني  
وحتى لو كنت انت جمان  
وكلتني مش راح تشبع  
سيفي ساعني يجوز أنفع  
وف يوم من الأيام أساعدك  
دا ربنا بيوضع سره  
تملى في أضعف خلقة  
دى حكمه عن جنس الإنسان  
أذكي بنى الحيوان طبعاً بمدك ۱۱

الكورس : وكان صاحبنا يتكلم  
بطريقه هايفه كوميديه

خللى الأسد يغير ذنبه  
بطريقه هاينه ملكيه  
كر كح ضحك وبرم شلبه  
وسابه . . . وهبه الحرية ا .

وفاتت أيام ورا أيام  
ووقع أسدنا المتوحش  
بالصدفة في شبكة صياد  
وتنه فيها ثلاث أيام  
لا كان يياكل ولا يشرب  
ولا حتى كان من قهره ينام  
ولإنه مش قادر يمرب  
فضل يزجر ويرعق  
بعلو صوته ليل ونهار  
لحد ما قلبه اتمزق  
وسمه صدفه صديقه الفار  
بسرعه جا بكل شهامه  
وبكل ثقه في النفس وقال :

الفار :

مش قلت لك ده زمن قلاب  
جالك كلامي يا ملك الغاب  
دلوقتي محتاج خدماتي  
وانا عبد خدامك . . يا مهاب  
أنا وانت للدنيا ح تثبت  
يان ممكن وحش مهول  
يصبح صديق مخلص على طول  
لضعيف ما دامت فيه أسباب

الكورس : هز الأسد راسه يفكر

وفضل على نار يستنى  
والفار بهممه ولا اتأخر  
قرض الجبال وبيته في  
د السبع نفسه ح يتشكر  
ويرضى عنه ، رضاه جنبه

لكن الأسد من كتر الجوع  
بيسأطه زى أسد مفجوع

هجم على الفار الغفلان  
وبلمه بلمه مافها رجوع  
وقال لنفسه وكان فرحان :

الأسد : لو كنت كاتمه يا خلق زمان  
أيام ماعضنى وأنا شبمان  
مين اللى كان ح يطفى  
من الشبك ده ومين اللى كان  
وأنا جمان دلوقى ح يشبعنى ؟ ا .

الراوى : وسكت ، وقال عم الصديق .  
— : خلصت خلاص الحدودته : وقبل ما ح نقول توته ،  
دى حلوه والا ماتوته ؟ ا

إنذكروا الحكمة يا أصحاب :

الكورس : فى عالم تحكمه قوانين الغاب  
إوعى تغلط لحظه . . أو تغفل  
وتآمن لأصحاب الأنياب ا ا



◆ اللوحة الرابعة ◆

# الموت و الحرية

الشاعر : يا قلمي انفجر بالأشواق

أتمنى واحلم وانعشم واعشق

لكن . . إنيقن وانحقق واقلق . .

يا صاحبي اقلق

يا شعبي اقلق . .

صوت : أنظر ففكر . . دبر وانحقق

آخر : إقلق واتلفت حوالبك

إفتح ع الوسع عينيك



ثالث : ياما وياما ناس يابلدنا ، ع الوجه الضحكه وتحت السنة  
ريق التعبان

للشاعر : بيستنوا سنان السكينة ، بيستنوا غفلة ليل . . لجلن  
مايدبوا السن ف ن عينيك وعيننا ، ويسمو البحر  
اللى اتى بتشرى منه

الصوت : ويسمو حليب اولادنا الى عجزوا ياخدوه  
الثانى : ويمزعوا هدمتنا الباقية . . يكشفوا عورتنا ويهدوا  
علينا بيوتنا

الراوى : إقلق يا شمعي ، دا النول له ضل وسطوه ، له ألف  
دماغ ألف دراع وديول . في الضلمه يسرع ب نفسه ،  
بيتسحب خطوه ورا خطوه .. يا شمعي اتعلم . .

ان اللى يسرق حاجه بالقوه مش ممكن يتخل  
عنها إلا بالقوة . .

للشاعر : ورغيف العيش يلزم له — لجل الحبه ما ترمى السبله —  
يلزم له فزاعة غريبان . .

وان الأردب عشان يوصل للبيت — يلزم له إيدين  
شابلين نيايت

وانه عشان يصبح عيش له طعم، يشبع ويكفي ويلاقي  
منه الاطفال اللقمة كل صباح ، يلزم له سلاح .  
وان تراب الارض المسروق يلزم له بنادق

الراوى : ياشمى إقلق ، ماتبيعض الحلم — الأمل — الباقي  
للاولاد الفقرا بالوهم اللى عمره ماجاى

الشاعر : لا كل اللى بيسمع منك بيعحبك  
ولا كل اللى يحبك له عندك حاجه

الكورس : وتاريخ الدنيا ماهوش نساى  
اياك تنسى اياك ا .

المنفى : حرب الشعوب مش ليالى تمر وتمدى  
حرب الشعوب أجيال ،  
هدفها مش بس أرض محرره ورمال  
هدفها دنيا جديدة — تضم كل الشعب

هدفها كلمة من القلب صاحبه . .

تنطق الأفعال . .

صوت : والفعل هو الذى قادر ، يكشف عن المعدن الحق  
الأصيل للشعب .

ثمان : وفى وسط نار الحريق ، الرعب ، والألمه

المغنى : يعرف رفاق الطريق ويكشف الأندال

صوت : وان كانت الحرب تولد جوع وسامسه ، يبعجنوا  
رغيفنا بالدم ويتاجروا فى عذاب ودموع

ثالث : فالحرب شجمان شقايق ، وأعلام يبارق ترفرف  
فوق جبين مرفوع

الشاعر : وصمبه أبوه الخطاوى فى اللهب الخائق لكننا  
ياخلاق ، وسط الدمار والخطر والموت ووسط  
الجراح — بنحس نبض الرجال ، نعرف حقيقة  
البشر والأرض بتمانى . . وسط الخطر والموت .

الراوى : يحمها من ضعفها الانسانى عشق الوطن وضى  
نبض الحقايق -

تقيد شموع النصر والحرية .. وتسقي شجر المدللة  
وشعلة الوطنية من دم قلب الرفايق

المنفى : وقول يا عبد الرحمن يا صاحبي غنوتك سواحة كما  
حمام النبي لا خضر ترف علينا ..  
تنام في كف أيدينا ، في حضننا ، في عنينا .. نعشم  
الشقيانين في موته مرتاحه ..

الشاعر : « لو إني كنت قدرت .. »

وأسرت الشمس وضى الشمس ف قبضة إيد  
وغزلت رموشى ( لبنات الشهداء ولولادهم )  
فساتين ، جلايب للعيد  
وعملت ضلوعى ودقات قلبى لعمه لإيدى  
( اطفالهم ) ..  
وكلامى وكلام البنت حبيبتى ( غنوه لهم )  
لو إني كنت قدرت أقول الصبح ..  
لو كان عندى القوه .. والقدرة والقلب

كنت ساعتها ح أقدر أمشي في (رحابهم)  
مغفور الذنب . .

الغنى : لكني راقدها هنا مصلوب بأقول الشعر

مقتول في قلبى لا انتظار والصبر

« . . الانتظار العديم القدره والأحلام . ا

الانتظار اللى بلانهايه

الى الليالى فوق طريقه قتيله

وسكته مستحيله

وجباله ياما طويله تشنق الإنسان

الإنتظار اللى مشاركنى اللقمه والأحزان . . . »

الراوى : « والحزن ماء الحياه لو تاخذك الذكرى . وتحط

يدك في أيد الشهداء . . إيد بكره »

يصحى في قلبك أهل غاب من سنين وسنين تخضر

فيك فكره

تفكر اللى ف سراب الوهم مش دارين .

المنفى : بلادى مش وطن النجوم

ولا هيه ملب للقمـر

دى بلدنا غيط أحـزان هموم

ياما رواه دم البـشر ! !

يحكى العثم فى بلادى عن خلق ماتوا ف هواها

حكايات تخلى ولادى يمشوا الخطى لمنهاها

مها يطول السفر ! !

( الكورس يجسد شهداء اكتوبر ! ! )

شهيد : كانت رايتنا مكسوفه حزينه ، وأما عدينا شبت ،

قامت . . عبت من ربيع أنفاسنا ، شربت م الدم

انفردت . . فردت ضل الشجره الطيب لاخضر

ع الصحرا وع الشـط

الراوى : شفتناهم ياما . . عشنا معاهم . اولاد عتره وورد ،

راضين من بز أمانهم شــــــــــــــــار بين المر  
القهر سنين ألوفات جد ف جد ، ومصريين أبا  
عن جد . . .

الشاعر : الواحد منهم صاحب لما تصاحبه ، وراجل لما تسند  
كفك على كتفه ، يمكن فيهم من لم يشق ، وفيهم  
ياما مادخلش الدنيا ، ومن لم يعرف لسه الأطفال  
ينطقوا اسمه . ومنهم ياما كثير . . كل حياتهم  
كانت شغل ف شغل ولا ارتاحوا :

ومنهم اللي مساء زى صباحه تمر حياتهم لكن -  
كلتهم شايلين الأرض ، الدور الأجران .  
كلتهم حاضنين أحلام إخوانهم ، الأمل الآي  
والأحزان . .

الراوى : عاشوا ياما أو هام ياما وأحلام ياما وظلم كثير .  
قاسوا الغربة وداقرا مرار عيش التراهيل -  
وعرفوا فك الخط بكل صموبة وكتبوا رسالات  
الماجستير

الشاعر : والحلم اللى مخلى قلوبهم تنبض حتى بعد الموت —  
حلم كبير . . اكبر مما يتصور ايها شاعر أو حتى  
طفل صغير . .

شهيد : أوصيك يا عبد الرحمن حين ترجع نحى  
حكايى لإبنى اللى له ما شفتوش . قول له :  
حين يقرأ تاريخ مصر ويسمع عن يونيه  
يتذكر قصة أبوه .

إحكى له إن أحنا لما عدينا كنا بنكسر طوق  
العجز وبنخطى حد الخوف ، خطينا ، وهو عليه  
إنه يكمل ، على تة ————— س طريقنا يكمل ،  
يا مالسه كتير . !

شهيد : يا حبيبتى . . عمر الإنسان الصبح من عمر بلاده ،  
وحلمه إنه يشوف أولاده . . لما يمشوا ، يمشوا  
الميشه الصبح . والأشرف لما يموتوا يموتوا الموته  
الصبح . .



شـهـيد : أنا ساعة مارفت الرايه بإيدي ، شمشعت معاهم  
ورفرفت ، حسيت إني كإني رمسيس الثاني وأحمد  
بكر وعنتر وموريس والبلت عزيزه النمر وفوزي  
جريس وفريد والزغبى وسلمان الجارحى وتوفيق  
النجار وأمى وعم الصديق وخفاجى وسرية ورامى  
وصبرى ..

وكنت كل ما أحس رصاصه بتدخل صدرى بأنالم  
.. أبوه حقيقى كنت أنالم - لسكنى ما حسيتهش  
الموت ، وتصدقى كنت بأفكر فىكى ، وفى أول  
كلمة حلوه ح أقول لها لك حين تتقابل ..

الشاعر : إولاد عتره وورد ، الراجل منهم لما يحبك يهواك .  
وقلبه لما يحسك جنبه يقنى بكل لغات العالم يقنى  
فصيح .

وأما بتنزل من عينه وتصغر ، مهما كانت لاسباب ،  
قلبه بيبقى على لسانه صريح .

وأما يفرح يفرح من قلبه ، وأما يبعدون يقنى جريح .

الراوى : والحرب ياما طويله وفيها ياما نشوف .

ياما ناس أصيده تقاسى الحرب وتميشها . وتمطى روحها  
وقلبها ببساطة لابسط الأحلام — منهم مثلا « غازى  
عوضين الفلاح » : عريف ومعلم ضرب النار ، اللى من  
قبل ما تعرف قبضة إيده سلاح ، داق على طرف شفائفه  
عرق الأنفار فى ألف نهار قاسى ونهار ، واللى من قبل  
ما تعرف كتفه الرشاش والصواربخ .. عرف النفاس ..  
وحفظ الحكمة على إيد ملايين الناس ..

غازى عوضين — هذا — ابن الشعب ، اللى فى إيديه  
وف رمش عينية وف قلبه بتنبض أحلام الراحة من ليل  
الميشه الصعب الكرب ... علمنى أنهمجى بسلاجى  
وقال :

— المدفع وقواعد التمشين يا ولد العم قيراط وبقية الأربعة  
والعشرين فى القلب . !

المنقى : فى عيوننه وف عيون أصحابه ،

أنا شفت بلدنا ،

أحلامنا الحُضرة ، حواديت أولادنا .  
سنت الجبهة المرقانة المشمسة في حسان الحب ،  
والأجران النعسانة ف رمش البسات .  
وكلام الرجاله الورد الشهدا والأبطال الفلاحين  
فوق الدبابات .

الشاعر : سنت الواد الطيار ابن بلدنا .

اللى هز الأساطير الكدابيه عن الفانتوم .  
وسمعت الكلمة اللى نخلى الناس

حقى الأعراب — فى عز هيب الحرب — أصحاب ا .  
ولحن البيت المتظمن ، لما تدفيه أنفاس الولد الغايب  
وتفرحه دخلة رجل الراجل — شايل فوق أكتافه حصاد  
الغيظ . .

المنفى : « فى عيونى رفت دمه حزينه .

فيها طعم الخوف من جرح قديم .  
وهمه فى عيونهم ضحكك أحزان الشعب . »

الراوى : لا تضعفوا لتموتوا . .

لا تيأسوا لتموتوا . . اللى بيأس يطاقى .

اللى يطاقى يخاف واللى يخاف يصغر .

تصبح كتافه معابر للعدا يفوتوا

وإن خفتوا ح تموتوا . .

وإن خفتوا ح تموتوا . .

الشاعر : واتعلموا م الإنسان اللى يشقى على قوته — وزواده

لبسكروه عياله وأحلامه وحواديته — اتعلموا منها

ومنه . .

المفسى : « لأنه يوم ما تبقى كلمات الشعب أصحابنا :

وتصبح حواديته وحكاياته رجاله تقف بجانبنا .

عمر ما حييجانبنا الحق — ولا عمر ح تتغير رؤيتنا

لبسكروه وللانسان » .

الراوى : « ولأنه لما تبقى معانا إيدين الناس، تتعلم السكف

المعروقة كل لغات الدنيا ولغات الأشياء » .

الغنى : « تتعلم إنه لما تهب الريح ، ثابته صرخات الميلاد ،  
والكلمات الأولى .

• وأغنيات العمال الفعلة والكف الشقيان » .

الشاعر : « نتعلم نقرا الفرق ما بين الناس ..

• الناس اللي يردوا باب العقل .

ويسكوا أبواب الدور مرعوبين من صوت الريح ،

تقلعهم هبات الحق ، تدرهم في وديان النسيان » .

الغنى : « .. والناس اللي يتصارع ويا الريح لجل ما تقلع

أسوار الجهل ، تهدق قلاع الكذب القهر الاستعمار

الاستقلال :

واللي عاشان الشعب تجوع وتموت — تعمل من

أجسادها معابر للحام عاشان الدنيا تمدى لبكره ،

وتقيد النار المطفية في حوش الفقرا »

الراوي : فيكو ناس ح تلوم علينا

ليه بتدكش في الجراح ؟

— : ليه ؟

— : واحضان الوطن دايمًا براح ؟

— : ليه ؟

— : ولا يصفي القلوب يا خلق غير السماح !!

الراوي : إحنا في قلوبنا ألم مالوش حدود مش بنبكي على  
اللى راح .

إنما بنصرخ عشان اتم زرعتم ياما وحلمتم ، وقدمتم  
وضحيتوا وإذا نتم — ح تصحوا في الصباح . . .

الشاعر : مش ح تلقوا في كفة كوا الشقيان سوى قبض الريح !!

المغنى : فيه لنا شهدا هناك . .

فيه هنا ناس مجروحين

فيه غيظان شرقت من الشوق للرجال —

فيه كتب ياما وعابزه تنكتب يقرأ العيال —

مش ح يقرأوا الكذب طالين، الحقيقة !!

الشاعر : فيه بيوت عايزه البنسا ، فيه بيوت ياما تهددها  
القنابل . .

فيه مصانع عايزه ياما مواد خام  
فيه مواجع من سموم المال - حرام

المغنى : فيه تراب من أرضنا الام الحبيبه

من زمن بتدفسه رجلين غريبه ا  
والشجر خجلان من الضل الى ييمده يضل اليه  
علينا ، والتراب في أرض سيدنا بتحرقة خطوة عدوه .

الراوى : وأحنا كنا مؤمنين صادق إيماناً

لما قلنا : ان نيران الحرب عثمان الحزبية ، هي اللي تظهر  
قلب وعقل الناس

وان هافيش غير صوت الشعب هو اللي يخلل الجند توج  
حماس . .

وعثمان كده . .

المنفى : إحنا بنغنى لبسكركه

ولأطفال بلدنا المجهولين الإسم وتاريخ الميلاد .  
إحنا بنغنى لشنيطة المصانع للغيطان ، للكلام الصدق  
ولحب القرابة والكتب . إحنا بنغنى لمصر .  
الى عاشت قبل يونية ألف يونيه واللى ح تعيش بعد  
أكتوبر ويوليه ألف أكتوبر ويوليه . .

الشاعر : بنغنى . . لأنه لما تشعل نار الحرية حرب التحرير ،  
تكشف عن المدن الحلق الاصيل للشعب ، زى النار ما  
بتدى الطعم وريححة الخبز لدقيق القمح .

الراوى : والناس يا ساده والشعوب فى العادة ما بتعاملش  
بيلاش ، تمن العلام غالى ، واللى فى قلبه الرغبة يتعلم  
لابد يدفع كثير من راحته ومن وقته . .  
ومن ماله وأيامه ومن دمه  
ودى حكمة الشعب لازمه تمللى نذكرها

الشاعر : وخصوصا أن هنالك بعضا من جنس الناس . .



تنطبق عليهم حكمة شعبنا وقولته

علم في التبلم يصبح ناسي

المنفى : أوفناكر لكن ناكر أو متناسي ..

الراوي : ولذلك يلزم على الشعوب التي تخوض المهالك أن

تقف حق في عز الممارك ، من أجل أن تسأل وتقول:

الشاعر : مين اللي حيشيل الجول وسط الظلام الحالك ؟ ..

ومستمد من كل قلبه يقدم التضحية

وهو صافي البصيره صادق النيه !؟ ..

الراوي : والحرب ياما طويلة وياما فيها نشوف

المنفى : حرب الشعوب مش ليالي تمر وتمدى

حرب الشعوب أجيال ..

الراوي : وياما يامصر ناس مؤتمنه وأصييلة ، تمشق ترابك -

وتفهم سر أحزانك - وف قلبها وف عروقها نبض

أحلامك تصعى تشيل عنك

الشاعر : وناس عويلة قليلة الأصل والهمة تنبش في حزن البلد

وتعيش على جراحها

وناس صحاب لليأس شك وخوف

يشور غبار المارك على الطريق يعميها

لا تريح القعدة ولا خطوه تخطيها

لراوى : وناس كلامها وخوفها وفهمها القاصر

سلاح في إيد العدا .. م العجز يسقيها ..

وناس! جراح البلد والشعب في ايديها

تترف وتحاب بلا رحمة حروف وقروش

وناس لا تبش ولا بتنش، سهتانه وطيبة المظهر .. لكنهما

بتمجن سموم الخيانة للوطن في دقيق . وتقلب الحق

زور ، والكذب وكإانة بحق حقيق ..

المغنى : مين المدو؟ مين الصديق؟

ومين ياناس حر بحقيق

ومين حيثبت ع الطريق

وإيمانه أكبر م المحن؟

مبين اللي في عيونه النهار ؟  
ونبض قلبه لانتصار  
ومين عشان ضحك الصغار  
تسبق خطاويه الزمن ؟

دالحـر آخر من ينام  
وأول الناس في الصدام  
وفي المعارك في السلام  
ع النيطوع البيت مؤتمن .

الشاعر : وف وسط شعبه ينتفض قلبه عليه ، ويموت عشان  
بجيا الوطن . .

المغنى : ويا قلب يا مقهور في كل مكان  
باناديك بطول الزمان يا قلب يا مقهور  
عشت الهوان يا ما وقاسيت الشقا ألوان  
قوم شق ليل المظالم حطمه بالنور  
باحلم بيوم تنتفض وتملك الإنسان

كورس : « يتجمع الكل خلف المغنى في صوت جماعى شامل »

شق صدور أعدائك شق

مد السكة الصعبة ودق

فت صخر الجبل العالى

واسقى ترابه لهيب النار

خذ من قرن الصلب القوه

فجر قاب الضلمة نهار

دقة قلبك شعلة نار

دقة إيدك صلب حديد

مصر بتعلم فيك بنهار

أدخل بيها عصر جديد

فات يامسا لسه وبقى كثير

إزرع شط النيل مواتير

دوس العصر الحجري إتقدم

دى الضواريح فى السما بتطير

مكتوب تشقى يا إنسان  
وتسابق خطو الأزمان  
مكتوب يبقى على سلاحك  
صاحي فيه نبض الشقيان  
مكتوب ح تحارب طول عمرك  
وتدافع عن الاوطان  
مكتوب ح تحارب طول عمرك  
ضد استعباد الإنسان  
مكتوب ح تحارب طول عمرك  
ضد إستفلال الإنسان !!

القاهرة يناير ١٩٧٤

## صدر للشاعر

- \* كلام من القلب — الكاتب العربي القاهرة ١٩٦٧
- \* أغنيات للايدين السمرا — مجلس الاعلام الريفي ١٩٦٧
- \* غنوه لمصر — « « « ١٩٦٨
- \* في حب مصر — دار الثقافة الجديدة ١٩٧٢
- \* في حب مصر — (يتضمن ديوان شطوط الحلم والحواديت)
- دار الفارابي — بيروت ١٩٧٥

## تحت الطبع

- \* يكبر الأطفال فجأة .
- \* كلام بسيط في السياسة .
- \* كلام حزين في الفن .
- \* شقاوة .. ديوان شعر للأطفال
- \* قصائد وأغنيات للصبيان والبنات
- \* أناشيد الحزن اللبنانية

● قصائد درامية ●

● النشيد الفقير ●

- « عن بابلو نيرودا » دار الثقافة الجديدة — ١٩٧٦  
● نشيد الأناشيد المصري دار الثقافة الجديدة — ١٩٧٧  
● غنوه للحرب غنوه للسلام المجلس المصري للسلام — ١٩٧٧

قصائد في طبقات منفردة

- رسائل إلى ليلي العامرية  
● أحزان ناصرية من عام الرده

صدر حديثاً عن دار الثقافة الجديدة

- الصراع الطبقي في القرية المصرية  
د . عبد الباسط عبد المعطي
- أسس المعارف السياسية  
ترجمة حمدي عبد الجواد
- الفكر الإجتماعي لعلي بن أبي طالب  
د . محمد عماره
- حكاية عبده عبد الرحمن (رواية)  
اسما حليم
- أنشودة المطر — مختارات من شعر  
بدر شاكر السياب
- انتصار جرنيكنا — مختارات من شعر  
بول ايلوار
- العدد الثاني من مجلة  
« الثقافة الجديدة »



رقم الإيداع ٧٨/١٨٣٤

التقليم الدولي ٥ - ٤٢ - ٧٢٥٩ - ٩٧٧ ISBN

دارماتون للطباعة

شارع خيرت درب البندق ت: ٢١٢١٨

• ولد المسرح من رحم الشعر واليه يعود لينتظر من ادران السوقه  
والنزيف والانعطاط. ولقد كنت أحلم به أفذا أكثر رحابة وعمقا، أنجو  
اليه بشعري هربا من اسر القصيدة الغنائية، أنا الذي تعدني التساؤلات  
حول الشعر والمسرح. ولقد كانت الاجابات لدى غامضة بقدر ما كانت  
« في حب مصر » مجرد « مونتاج » لعدد من القصائد والواويل صاغه  
احساس حاد باللحظة التاريخية واستطاع أن يفجر حالة من التوهج  
لحظة لقاء الشعر والموسيقى وأداء الممثل والمخرج مع الوجه-اعبر وبعدها  
كانت قصائدي « كانت وعاشت مصر - غنوه للحرب غنوه للسلام -  
النشيد الفقير - نشيد الاناشيد المصري » محاولة لاستعادة حالة التوهج  
المسرحي هذه من خلال شكل ومضمون يعكسان معا - لا احساس  
اللحظة التاريخية فحسب ولكن معاناة أزمة جيل وأزمتي الخاصة والعامة  
كشاعر مصري عربي تقدمي يعيش مصر السبعينات - ومن خلال مقولة  
دوامية ثورية ترتكز على العلاقة الخالدة بين الشعر والمسرح وبين المسرح  
والثورة وبين الثورة والجماهير تلك العلاقة التي طمسها الادعاءات الكاذبة  
وشوهتها محاولات التزييف الفني والادعوات الفكرية الأثمة التي شوهت  
وجه المسرح المصري .

وانا أهدي هذه المحاولة للصديقين : سامي صلاح وعدلي فخري .  
المؤلف